


南道任

辦理已草車里宣慰刀繩武之
子準臣滋擾江干卷
道光廿八年



辦理車里土司卷道光二十七八九年

札各屬

二十七年九月二十三日



為飭緝事案查前署道任內據思茅廳吳丞具稟接准
思安縣移開安揀該縣之已革車里宣慰土司刀繩武之
次子刀準臣於本年五月初六日乘間脫逃移廳查緝
等情到道當經前署道札飭嚴緝在案茲本署道蒞任
查刀準臣既在遷徙之恩安縣乘間脫逃難保不潛回
沿邊各猛土司地方匿跡自應通飭認真嚴緝究報以免
勾結滋事合亟札飭為此行

府州廳

該吏即便轉飭所屬並思

茅廳移會營員派撥弁兵差役並嚴督各土司一體嚴
密緝緝務獲究報毋任潛匿滋事有干未便特札

思茅廳稟

二十七年十月初八日到

敬稟者本月初六日據卑廳六困土弁刀緝熙稟本月
初五日據龍塘守卡頭目投呈前已革宣慰刀繩武之
子刀準臣改名刀澤臣并用前宣慰廢印印文一角
內開照得車里一帶地方係屬本司管理前因漢夷作
奸助逆刀太康篡奪世職使本司出亡在外近年未僚
目受其挾制民等遭其塗炭種種可侏由本司未達其

時今應天心復回江下其有日前隨征從亡之舊目者須必
約會練民以及大小頭役預備軍械刻日來營不可違悞
茲查獲練目老線報本立身心懷舊主為此札仰龍塘線
目速速帶練佩備軍械赴營聽用可也嗣太平之日本
司自當獎賞照功給職但勿臨時參差畏首畏尾切切
等因又另函亦蓋用廢印內開因弟有各處之練到此
蠻蚌營盤住紮望速派人赴營辦給糧草諸事重託奈
弟客囊空乏窮途蒼迫惟求有勞借貸大發慈悲再者
請駕調遣練役親帶三岔河住紮以塞緊要之所弟率

領梗馬猓營孟連之練由猛遮歸江萬無一失不必憂慮
俟會合之期必當重報大恩等因亦據此理合據實稟明
請示核奪等因據此卑職一面飛飭該土弁帶同土練
前往蠻蚌沿江各隘口嚴密防範并札該宣慰將猛遮
一路堵截外惟查刀準臣自今春由恩安縣逃返即由梗
馬一路潛入孟連前據該宣慰亦稟稱該逃犯自梗馬潛
赴猓黑營雖在野猓地方實係孟連土司所轄卑職覆查
無異若不嚴行查拿勢必蔓延日久難以殫歷今竟胆
敢擅用廢印到處招搖實屬可惡惟有懇請

憲台移知 迺西巡憲轉飭順寧府嚴飭梗馬孟連二
土司查拿解究不准再入夷地滋生事端實為

恩便

本道移

西道
順寧府

二十七年十月十二日

為飛移飭遵事道光二十七年十月初八日據思茅廳吳丞
稟據六困土把總刀緝熙稟報前已革車里宣慰土司刀
繩武之子刀準臣改名刀澤臣由沿邊耿馬夷地潛赴孟
連勾結耿馬孟連猓黑等欲來九龍江佔踞車里地方與刀
正綜爭襲宣慰之職稟請飛移 貴道府轉飭耿馬孟連

二土司嚴拿刀準臣解究並不許附和滋事等情據此
本署道查已革宣慰土司刀繩武之子刀準臣遷徙昭通
府胆敢逃赴孟連夷地勾結滋事實屬玩法亟應嚴拿
究辦除具稟 兩院憲並咨移 各司道及批飭
思茅廳會營嚴飭各土弁集練於沿江各要口嚴密防
堵外合就備文專差飛移為此合移

貴道札飭耿馬孟連二土司嚴緝刀準臣務獲解究勿
許妄聽勾結附和滋事以靖邊圉實為公便

札耿馬孟連土司

云前亟應嚴拿究辦除移

迤西道轉飭嚴拿解究外

本署道前任順寧府時深知該土司曉明大義急公勤

能每遇辦理邊防事務妥協可靠必不肯妄聽刀準臣

勾結自取咎戾合亟札飭為此札仰該宣慰罕恩需遵

照札到迅即派撥目練嚴拿刀準臣務獲解赴順寧

府轉解 迤西道移解本署道衙門究辦不得妄

聽勾結附和滋事該代宣撫司辦如將刀準臣拿獲報解本

署道必稟請 兩院憲優加獎勵茲發來賞號物件

照單先行收領毋違特札

計粘賞號單一紙

取馬 天青滇緞褂料一件 紫色滇緞袍料一件
蘓繡荷包一對 京式小刀一把

孟連 紫色滇緞一疋 駝色滇緞一疋
蘓繡荷包一對 京式小刀一把

本道稟 兩院 二十七年十月初十日

敬稟者本年十月初八日接據思茅同知吳開陽稟據
六困土把總刀緝熙稟稱據龍塘守卡頭目稟報前已
革車里宣慰土司刀繩武之子刀準臣改名刀澤臣由
沿邊耿馬夷地潛赴孟連勾結耿馬孟連猓黑等欲來
九龍江佔踞車里地方與刀正綜爭襲宣慰之職將刀

準臣給該頭目并六困土弁諭西稟呈到廳業經該廳吳
丞飛飭六困土弁帶練前往蠻蚌營沿江各要隘嚴密防
範并飭宣慰刀正綜將猛遮一路堵截外稟請飛移迤西
道轉飭順寧府札飭耿馬孟連二土司嚴拿刀準臣解究
並不許附和滋事等情據此並准署思茅營遊擊呂飛鵬
函同前由護道查已革車里宣慰土司刀繩武之子刀準臣
遷徙昭通府胆敢逃赴孟連夷地勾結滋事亟應嚴拿究
辦除批飭思茅廳會營嚴飭各土弁集練於沿江各要口
嚴密防堵并飛移迤西道及順寧府轉飭耿馬孟連二土

司嚴緝刀準臣解究勿許妄聽勾結滋事外查車里猛
翁邊界與外域暹羅接壤猛翁土便委召麻哈牙人甚幹
練為邊界藩籬據該廳吳丞稟據宣慰刀正綜稟稱現值
江干有事恐勾結蔓延牽連蠢動尤須防範護道現飭吳
丞諭飭召麻哈牙曉以大義並諭該宣慰刀正綜結之以息
使其知感知畏固藩籬而禦外侮刀準臣是否已由孟連
沿邊一帶勾結前來必須隨時查探妥為防範以杜蹂躪
滋擾除飭思茅廳會營向機辦理免滋邊衅外理合肅稟
伏乞
大人俯賜鑒核示遵再普洱淳鎮於元江途次因病出

缺中軍遊擊察興阿奉委兼護鎮篆現專弁赴元江賫印未
到尚未接印未曾會銜合併聲明

本道札思茅廳

二十七年十一月初五日

為札飭遵辦事照得本署道風聞車里宣慰土司刀正綜帶
練往攻猛翁以致練敗潰散該宣慰逃竄不知何往殊堪駭異
查猛翁土便委召麻哈牙係扶助該宣慰曾經出力之人諒無
逆理犯上之行該宣慰刀正綜少不更事或撫馭失宜輕舉妄
動激釀衅端該猛翁土弁等應聽候查辦不得妄自逞戈
獲咎匪輕該宣慰刀正綜逃竄何處除由廳營查提究辦外

現在江干一切事務應飭值月土弁督同叻目人等妥為彈壓
經理勿致人心猜疑驚懼該猛拿土便委台麻哈牙及各版納
土弁等各守本管疆界撫輯夷眾以安邊境如敢妄聽匪
人造言煽惑勾結附和集練逞戈一經本署道查知定行從
重究辦後悔莫及至宣慰刀正綜由廳營查提另為核辦
合亟飛飭為此札仰該廳遵照即便會營分飭各猛土弁
一體遵辦并出示曉諭仍趕緊查明刀正綜及刀準臣下
落提回核辦切速特札

署鎮重
本道黃

會札思茅

廳二十七年十一月二十三日

名編辨近卷

為札飭遵辦事道光二十七年十一月二十二日據該

廳

會稟

犯刀準臣勾結野獠并耿馬孟連二土司集練向車里猛

遮土弁所管之猛滿地方攻擊爭渡該

廳

現已派令外委

馬興周額外陳元龍帶兵五十名前往九龍江督飭各猛

土弁協力防堵并懸立重賞嚴拿刀準臣究辦等情據此

查刀準臣勾結滋擾亟應拿辦昨經本署道稟奉

兩院憲嚴飭緝拿並本署鎮到任奉 院憲札飭督緝

均經轉飭該

廳

遵辦在案茲刀準臣胆敢集練攻擊猛

滿等處誠恐各土弁中有不明大義被其煽惑附和

事或漢奸從中播弄該營應申明大義分飭各土弁等以
刀準臣係負罪逃犯豈能爭管車里寸土如土弁中有暗
中附和即與刀準臣同罪各版納土弁有本管地土疆界應
即帶練各守本境沿邊隘口慎密防堵勿容竄越滋擾
如能將刀準臣拿獲報解本署鎮會賞銀一千兩無論
何項人拿獲立予給賞如係土弁拿獲除賞外仍稟請
院憲優予獎勵所有各版納猛地及沿江各要隘責成該
管土弁自行保護分頭防堵該土弁等各有守土之責倘
敢玩忽以致該管猛地匪徒竄擾本署鎮定將該土弁等
從重究懲猛奔地方尤為邊界藩籬土便委台麻哈勇明白
幹練該處沿邊隘口責成該土便委妥為巡防勿許外匪竄
入至外委馬興周等現已帶兵赴江該營仍飛飭相機妥為
彈壓督辦總以弭靖邊境嚴拿刀準臣查提刀正綜回思
核辦為要合亟札飭為此札仰該營遵照札內事理分別
妥辦仍隨時稟報查核切切特札

鎮道會銜出示各猛
二十七年十二月初七日

為曉諭事照得前已革車里宣慰土司刀繩武之子刀準

臣經

前督大憲

奏明遷徙昭通府交該地方官管束本年五月刀準臣由配
所恩安縣乘間脫逃經本署鎮道通飭所屬文武各官一體

嚴拿究辦在案茲據思茅廳營稟報探得刀準臣改名刀

澤臣造言煽惑欲圖勾結探黑及車里各版納土弁爭

襲宣慰之職佔踞車里地方等情前來本署鎮道又風聞

刀止綜與所屬猛拿土便委不睦該宣慰輕舉妄動不知潛

往何處殊堪駭異除札飭思茅廳營查明該宣慰刀止綜現在何

處提回核辦外查猛拿土便委召麻哈牙係扶助該宣慰曾

經出力明白曉事之人諒不敢逆理犯上該宣慰刀止綜少不

更事或撫馭失宜激釀衅端該猛拿土弁等應聽候查辦

不得妄自逞戈獲咎匪輕查江干原有輪流值月土弁除札

思茅廳營諭令值月土弁督同叭目人等妥為彈壓經理勿許

猜疑驚懼一面查提刀止綜核辦外該猛拿土便委召麻

哈牙及各版納土弁等各有本管猛地自應各管各猛各

守疆界撫輯夷衆保全本面基業至逃犯刀準臣係有

罪之人豈能爭襲宣慰之職該宣慰刀止綜如果不能稱

職查明斥革另襲自應欽遵

朝廷定例辦理豈能妄予無干之人冒濫承襲倘有玩法漢奸

及不肖土弁從中播弄狂言煽惑妄生覬覦之心查出定行
嚴懲合行出示曉諭為此示仰車里各版納土弁及夷眾
人等知悉該土弁等各守本境勿得妄聽勾結滋事自
取咎戾無論土弁民夷能將刀準臣拿獲細送本署道鎮
門投獻者立即會賞白銀一千兩查明宣慰刀正綜下落
護送赴思茅廳營衙門投收核辦者土弁即予優獎民夷
亦從重犒賞如敢附和刀準臣容留猛地勾結濟事及明
知刀正綜下落隱匿不報亦不護送交廳營辦理一經本署道鎮
查出定將該土弁等鎖拿究辦不稍寬貸得失安危
惟該土弁等自取凜之毋違

鎮道會札思茅廳營

為札發事照得本署道鎮出示車里各猛地方嚴拿逃犯刀

準臣並查宣慰刀正綜下落告示除發貼曉諭外合行札
發為此札仰該廳營遵照即將發來告示照抄多張分貼各
猛曉諭仍督飭各土弁等慎密巡防以安邊境嚴拿刀準
臣查提刀正綜分別究辦稟報查核切切

計發告示十九道

思茅廳營稟 二十七年十二月二十七日到

敬稟者本月二十五日卑職都司據派往江干督飭防堵外委馬

興周回思面稟逃犯刀準臣前帶領野獐及各處土練
前來被頂真土弁攻擊敗回野獐地方今復聚集野獐土
練數千名攻破猛蟒現住紮猛遮勢甚猖獗各猛土弁帶
練於猛海堵禦至宣慰刀止綜近聞潛赴孟連地方未知真
實目下江干客商照常往來等情據此卑職當即札飭各
版納土弁調派各猛練役總要合而為一奮勇直前圍緝
逃犯刀準臣務獲解究勿容該逃犯竄入江干並致漏網頃
聞宣慰刀止綜逃赴孟連如果屬實趕緊差派妥日迎接回

江果能尚緊接回如斯辦理之處該猛拿六因定行稟保並領十
金重賞等情札飭去訖卑職現飭催覓素相熟悉該宣慰並識
孟連路徑之人往彼處查探如果確實潛匿孟連再行稟請查
提辦理刻下九龍江地方客商如常往來內地一帶漢夷安穩
照常靜謐堪以稟慰

憲查王司搆衅以夷殺夷必須從容佈置內安外攘若期迅速
恐生枝節轉致內地不安更為棘手合將現在辦理緣由虔具稟

聞

卑職開陽
都司飛鵬謹稟

署鎮重會稟

兩院

二十八年正月初十日

本道黃

敬稟者案查前據思茅廳營稟報前已革車里宣慰土司刀
繩武之子刀準臣由遷徙之恩安縣潛逃勾結耿馬孟連二土
司及探黑欲來車里與宣慰刀正綜爭管地方並宣慰刀正綜
與所屬猛弄土便委台麻哈牙不睦恐該土便委乘隙附和滋
事等情業經署鎮護道札飭思茅廳營督飭各土弁將沿江各要
隘集練防堵勿許竄越滋擾並飛移迤西道及順寧府轉
飭取馬孟連二土司嚴拿刀準臣解究勿許妄聽勾結及飭
思茅廳營諭飭宣慰刀正綜並猛弄土便委台麻哈牙曉以大
義和衷共濟以禦外侮曾將辦理緣由具稟 憲鑑奉

批飭遵在案

署鎮護道

查該宣慰刀正綜因何與台麻哈牙不睦該

廳營是否諭飭解釋並刀準臣果否勾結耿馬孟連二土
司及探黑來至車里滋事刀正綜是否現駐江干刀準臣現
匿何處台麻哈牙是否協同各土弁集練將各隘口嚴行防
堵札飭思茅廳營查明稟辦去後旋據耿馬宣撫土司罕
思沛稟稱接奉札飭遵查耿馬與車里相距十餘站刀準
臣遠在思安與土賊素未識面亦無交往並未逃至耿馬土賊
斷不敢妄聽勾結如果刀準臣逃來即當遵奉拿解等情
前來署鎮護道復札飭思茅廳營查照茲據署思茅同知吳開陽

署思茅右營遊擊呂飛鵬會稟稱接據派往江干督飭防堵外委馬興周稟稱逃犯刀準臣勾結野獐來至九龍江攻擊被頂真土弁擊敗逃回野獐山巢現又糾集野獐并遊匪多人進攻猛蟒猛遮地方今各土弁集練防堵設法圍拿江干民夷前被驚散現已陸續回歸至宣慰刀正綜因輕聽其弟刀承綜及奸目聳愚勒派各猛夏姑銀兩人心不服猛奔派累尤重難以支持該宣慰遷怒猛奔土便委名麻哈牙疑其勾結刀準臣滋事帶練往攻猛奔衆練潰散該宣慰亦未回江探聞前往孟連土司地方業經該廳營札飭各版納土弁督練嚴防隘

勿容刀準臣及探匪竄入滋擾并設法擒拿刀準臣報解該

廳營現選雇熟悉孟連路徑之明白妥幹頭目二人稟由署鎮護道

辨給札諭賫往孟連飭令代辦孟連宣撫土司刀派森查明

刀正綜下落派撥妥目護送交順寧府由內地轉送回普并

由署鎮護道會移順寧府查照署鎮護道查該宣慰刀正綜少不更事

輕舉搆衅復擅離守土惟有設法招回向機辦理夷性疲

緩捺之太急復恐竄匿勾結轉滋他虞現在江干地方飭

令值月土弁帶練彈壓并暫行經理一切人心安定商賈

照常往來事關邊務署鎮督飭廳營慎重辦理不敢稍

涉懈忽以仰副 大人綏靜夷疆之至意理合肅稟

本道黃署鎮重會札車里宣慰孟連宣撫司移順寧府 二十八年四月廿日

札車里宣慰刀止綜知悉查該宣慰為飛札飭遵事查車里宣慰刀止綜 渥荷

朝廷厚恩承襲車里宣慰之職駐紮九龍江約束十三版納各土

并撫綏夷衆防守隘口為邊地之藩籬該宣慰自應督

率各版納土弁小心供職力圖報稱豈容擅離職守乃該

宣慰因聞逃犯刀準臣勾結探黑欲來江滋事刀準臣尚

未到江該宣慰即攜帶印信潛往孟連土司署內避匿

庸懦無能棄職遠遁即應斥革提回究辦本署道鎮因念

該宣慰世職功名非易暫從寬宥曾經札飭該宣慰迅速來

歸勿再淹滯自取咎戾并札孟連土司派練護送至順寧

及會移 順寧府俟該宣慰到順會營派撥兵役由內

地護解來普以憑核辦各在案茲本署道接據順寧府

縣函稟據該宣慰稟稱急欲回歸故土專望派兵前往接護

並望給盤費方能起程等語查該宣慰乃棄職潛逃獲咎之

人接望本署奉道札諭自應迅速來歸以異施恩格外免其深

究飭令同江小心供職圖贖前愆今乃不知自諒竟忘本身之

咎戾妄思意外之便宜請兵接護並給盤費始行起程該宣

慰之謬妄糊塗已可概見縱使各版納能將盤費措辦道遠亦難寄給該宣慰與孟連土司誼屬姻親如果路費缺乏即向孟連借用回普籌還况途間食用所費亦不致甚鉅合行札飭札到該宣慰速即會商孟連土司派撥目練護送該宣慰由順寧內地轉送回普聽候核辦飭令回江供職該宣慰由孟連派練送至順寧內地其由順寧內地沿途自有官兵接護行走安然該宣慰可無疑惧至途間應用盤費即向孟連土司借貸應用該宣慰接奉此札刻即帶印起程回歸本署道鎮尚府可施息轉稟督撫大憲宥其已往免其革究倘再淹滯不即

回歸是該宣慰自甘廢棄定即詳叅不貸凜之慎之速速

云前速速等因除札車里宣慰土司刀正綜遵辦外查該宣慰刀正綜少不更事擅離職守按例應行斥革究辦本署道鎮尚府

恩施飭令回普聽候核辦仍准其回江供職乃該宣慰因循遲滯稟請派兵迎護給與盤費方能起程實屬謬妄已極該宣慰既能前往孟連何不能自行回歸除嚴札申飭外查該代辦宣撫司深明大義辦事勤能本署道前任順寧時素所深知合亟會札飛飭為此札仰該代辦宣撫司刀派森遵照迅將發來會札車里宣慰刀正綜札諭一角轉交遵辦該宣撫

司即速派目練護送催令該宣慰刀正綜趕緊起程赴順寧由
內地轉送回普聰候核辦至該宣慰應用盤費若不能自行
設措該代辦宣撫司即約計程途里站應需吃用酌量借給不
得任其監費本署道現移府順寧府縣所有該宣撫司派練
護送應給賞號並借給刀正綜路費銀兩均由順寧府先行
墊發移知本署道轉飭思茅廳如數酬還並不貽累該宣撫
司即便料理刀正綜迅速起程回歸毋任刻延切速

云前切速等因除札車里宣慰刀正綜并代辦孟連宣撫司刀派
森遵辦外合亟備文專差會移為此合移貴府煩為查

照會飭遵辦並煩將本署道移來會札代辦孟連宣撫司刀

派森札諭一角專差發交該代辦遵辦並請會營派撥安

幹弁兵差役前往迎提該宣慰刀正綜到順由內地沿途派兵

接護迤解本署道衙門以憑核辦再孟連土司派練護送至

順郡應需賞號及貴府派撥前往迎提之弁兵差役經

費並孟連土司借給刀正綜路費銀兩思茅廳業已解存

道庫惟該役係隻身上道誠恐途中有失且不知需數若

于是以未經寄來祈貴府先行墊發移知以便送還

決不致悞

署鎮重會札思茅廳營二十八年五月十二日
本道黃

為札飭會同查辦事道光二十八年五月初八日本署鎮接據
該署遊擊稟稱附稟者四月十一日廳營接據六困土署來
稟初八日有四川遊匪罔聚數十人是夜燒殺上六困所屬
之南送寨至十七日吳丞衙門復接六困土署一日兩稟該匪
徒愈聚愈多約有六七百人駐紮蘆山困六地方分股潛匿
險要之路肆行劫殺毫無忌憚請兵救援等情吳丞差家
人商之都司派兵五十名前往彈壓都司言及五十名兵
為數太少至少要二百名官二員方有軍威都司即將兵

丁挑備等候次日復催不見吳丞回覆俟差查回又再發兵但查
差至今未回但不知何說是以未曾具稟憲鑑都司總以邊防重
大為慮雖未派出官兵暗差弁目或三二名各一起抑或四五名
各一起分股前往西南甲地及六困一帶密加查探專以一日兩起
回營稟報近聞六困之土舍頭目帶練前來驅逐該匪徒忽聚
忽散在江土弁又加調整得整柵土練多名該匪聞風陸續遠颺
星散現在六困地方良善漢夷驚逃猛班猛佳等處人民均各漸
漸歸回復業刻下地方較前稍為安靜切查該匪原踪乃刀準
臣之爪牙王定邦布散謠言蠱惑愚人傳說思茅文武轉稟

大憲有恩准刀準臣承襲宣慰之說所以附和刀準臣者上六
困居住川民各猛地方匪徒及城邊左近凡不安分之人均皆聽
從不僅猓黑為然以致刀準臣前紮猛遮猛混地方勢甚猖獗
隨後又被在江各猛土弁厚帶夷練直攻將刀準臣打敗潛
逃猓黑山其黨羽四散即今方有燒殺南送之事並聚集蘆
山困六等處地方劫殺一端也今該匪探知江上多調夷練前
來緝追聞之星散其江干近聞在江各猛土弁復派多人往孟連
接宣慰刀正綜回江若該宣慰刀正綜回江夷民有主約可無事
刀準臣乃烏合之衆當下雖未弋獲其黨羽已經醒悟分散

想來不能結成蚌端度肅稟聞等情到鎮據此本署

鎮道查匪

徒胆敢肆行燒殺亟應圍拿究辦以靖地方據稟四月初八
日有四川遊匪圍聚數十人燒殺六困土把總所管之上六困南送

寨該匪徒復聚集多人駐紮蘆山困六地方分股潛匿肆行劫
殺等情該廳即應一面差查一面發兵緝拿擒其首夥散彼
附和且該管六困土弁何以不集練防禦致任匪徒蹂躪地方
該土弁不能保衛地方即不稱土弁之職應行斥革又猛班
猛住等處人民漸各歸回復業係何月日逃散又稱刀準臣之
爪牙王定邦等布散謠言傳說思茅文武轉稟

大憲有恩准刀準臣承襲宣慰之說以致上六困遊民及各猛匪徒
並近城不安分之人均皆聽從等語尤屬不經之設查迤犯刀準臣
係有罪之人不能承襲宣慰之職業經本署鎮道於上年十二月內
大張告示曉諭十三版納各土弁漢夷不許妄聽勾結滋事若
能將該犯刀準臣拿送立予重賞如敢附和滋事定即拿辦
刀準臣之不能為宣慰三尺之童亦皆知之王定邦等何能蠱
惑人心本署鎮道訪聞竟有不法之徒冒充刀準臣練頭及王定
邦之名肆行滋擾可惡已極該廳營應即查拿究辦邊防要務
督撫憲責之鎮道府鎮道府責之廳營事無旁卸此次邊務曠

日持久枝節叢生不勝焦灼合行會札懇商為此札仰該廳營遵
照迅即會同帶兵前往查辦以靖地方現經督憲辦理

永昌哨匪滋事之案大兵雲集該廳營若不親往彈壓圍拿
懲究一經督憲風聞帶兵親臨督辦鎮道府廳營均難
免咎戾至六困土弁刀緝熙如敢玩視地方任聽匪徒肆行
無忌該廳營即會同將該土弁詳革究辦仍將查辦情形
隨時稟報核辦切速

鎮道會札思茅廳營

二十八年六月十四日

為札飭查明稟候核辦事案查宣慰刀正綜潛往孟連土

司處經本署道鎮會移順寧府轉飭孟連宣撫司刀派森派練將刀
正綜送至順寧由內地轉送回普並稟蒙
督憲札飭迤西道順

寧府遵辦在案迄今日久該宣慰刀正綜無回普確信復經移
催順寧府嚴催去後茲聞刀正綜已自孟連起程由邊外行走
回九龍江是否孟連土司派練護送回歸抑係該版納土弁
等遣目前往孟連接回曾否已抵江干未據該版納土弁
等稟由思茅轉稟查核該宣慰刀正綜亦未將回江日
期及一切情形具稟廳營轉稟本署道鎮核示飭遵或該宣慰尚
未到江未能稟報本署道鎮並普洱府查該宣慰刀正綜此次潛往

孟連實由誤任奸目苛派累民以致人心渙散該宣慰避居孟
連今既回歸應自知引過薄除前愆督率各猛弁振刷精
神辦理地方公事各猛弁等均係扶助該宣慰之人分有
尊卑情無二致該宣慰應接之以禮待之以恩使其知感
知畏果有實心任事急公自愛之人尤宜加意優待以示
獎勸其頑梗不馴或予懲創或稟請思茅廳查辦該宣
慰事事急公所屬猛弁具有人心何能逸理抗違正人先正己
未有已不正而能正人者至各猛夷民均係赤子更須加意撫
卹有人此有土有土此有財若浮收苛派民不堪虐流離逃散

該宣慰有乖戾守革審究辨寸土均非己有己革宣慰刀
繩武前車可鑑該宣慰刀正綜應遵本署鎮道訓諭勉從公
保全世戩倘再任用匪人聽其唆弄任性妄為邊疆要地本
署鎮道斷不能稍為曲貸至各版納土弁等均係該宣慰屬
轄尊卑之分綦嚴自應恪遵

功令同心協力扶助該宣慰撫愛夷衆固守藩籬今該宣
慰刀正綜回江所有前經誤用奸目擾壞公事之處該宣慰
自知悔悟尚可予以自新之路嗣後該宣慰應如何約束頭目不
許攬權妄為苛虐民夷其原定應派各猛公項每猛若干自
有舊規一定數目該宣慰不許任信奸目格外多派致累窮簷
各猛弁等每年應收交該宣慰之項照數交納亦不許抗違短少
以資辦公該宣慰印信最關緊要如有奸目串同字識將不應
發行之件擅自用印發行許各猛弁等查明稟請該宣慰究
懲如該宣慰徇庇不究該猛弁等稟請思茅廳提辦遇有緊要
公事該宣慰督同各猛弁秉公商辦其頭目並本官之親屬人等
均不許挾越干預以肅體制而杜專擅刀準臣例不准襲宣慰
倘有不肖弁目覬覦宣慰世戩妄生議論搖惑人心一經查出定即
嚴拿照引惹邊衅例治罪以上各情均係該宣慰刀正綜回江應

辨要件各版納猛弁等是否辦理如法並刀正綜何日抵江自應詳

細具稟該廳營轉稟本署鎮道核示遵行除會普洱府札行寧洱縣就近

轉飭普藤整董猛烏烏得猛旺等五猛土弁查明稟復核辦外合

行札飭為此札仰該廳營遵照備錄本署鎮道全札專差兵役飛飭該

宣慰刀正綜及六困猛弁等各土弁查照札內事理將刀正綜何日

到江其應辦一切事務是否如本署鎮道札飭辦理該猛弁等如何會

議妥辦之處分晰明白稟由該廳營轉稟本署鎮道並牒移普洱府以憑

核示飭遵毋稍違延切速火速特札

本道黃署鎮重會札宣慰刀正綜二十八年七月初七日署府崔

受生名紹中

札車里宣慰刀正綜知悉查該宣慰一戕應駐紮九龍江約束十

三版納各土弁撫綏夷衆防守隘口為邊地之藩籬豈容擅離戕

守乃該宣慰因聞逃犯刀準臣勾結猓黑欲來江滋事又因誤

用奸目浮叔苛派以致人心渙散該宣慰即攜帶印信潛往

孟連土司處避匿據思茅廳營稟報本署鎮道當即會札該宣

慰趕緊回歸並稟明督大憲及移順寧府轉飭孟連宣撫

司派練護送該宣慰交順寧府由內地轉送回普嗣據該宣慰

專人赴本署鎮道轉門投稟請示以便回普供戕並據投稟人聲

稱由邊外行走途中多有阻滯如由孟連至順寧府內地僅

止經過厥上稍有梗塞等情復經本道札飭該宣慰商同孟連

土司刀派森多撥幹練護送至順寧由內地轉送回普並復札催各

在案該宣慰自應遵照迅速來歸迄今日久仍未據將起程回普

日期稟覆茲聞該宣慰已自孟連起程由邊外行走已抵大猛養地

方何以不將到大猛養日期先行專目飛稟核辦實屬玩延查乾

隆年間宣慰刀維屏棄賊潛逃經督撫大憲

奏請斥革查拿迨刀維屏畏罪投回復經

奏明羈禁省城道光十三年宣慰刀繩武携印逃竄亦經

奏請革職緝拿並將家屬遷徙前車可鑑茲該宣慰棄賊潛逃

日久不歸核與刀維屏刀繩武情罪無異本署道格外施恩

飭令趕緊回普會稟督撫大憲以該宣慰悔悟投回免其深究

飭令回江小心供職圖贖前愆乃屢經札飭該宣慰仍復因循

淹滯今既到猛養距江干不遠且聞各猛土弁又派練前往迎

接該宣慰更應及早回江以重職守何以中途逗留實屬不曉事

體本應詳革究辦本署道念該宣慰功名世職非易姑從寬再予

恩施合再札飭札到該宣慰遵照迅將何日到大猛養何日可抵九

龍江日期及該宣慰督同各猛弁將到江應辦一切邊務如何妥辦

之處刻即專目星飛明白稟覆本署道核辦倘敢再延定即

詳草究辦不稍寬貸凜速慎速特札

署鎮重會札思茅廳二十八年七月十四日
本道黃營

為飛札飭辦事案查逃犯刀準臣潛赴車里勾結滋事並宣
慰刀正綜潛往孟連節經本署鎮道繕發告示札飭該廳營轉飭各猛
土弁督練嚴防隘口懸賞緝拿刀準臣及查明宣慰刀正綜曾
否回抵江干迅即稟復以憑核辦復會普洱府札飭寧洱縣轉
飭縣屬五猛土弁一體遵辦各在案茲據該縣所屬猛弁稟稱
查明宣慰刀正綜已由孟連起程行抵大猛養尚未到江刀準臣糾
合匪黨竄至車里之猛海猛混地方肆行滋擾距九龍江僅百餘里

今猛拿各版納土弁調集目練抵禦恐練力不繼正在加調幹練前
往防護江干等情前來查該廳營距江六站聞見自必確速且派往
查辦之外委沈元奉現駐江干何以未據稟報今刀正綜既到大

猛養刀準臣又糾匪於距江百餘里之猛海猛混滋擾逼近江
干人心震動該廳營應即一面飛飭六因猛拿各版納土弁集練
防禦設法圍拿刀準臣并查明土弁內如有暗串刀準臣附
和滋事之人即行拿究嚴飭各土弁保護江干安撫人心勿
任匪黨竄越蔓延或應派兵馳往鎮壓以安邊境該廳營向機
籌辦稟報查核本署鎮道遙揣情形何若該廳營之切近籌辦較

為得手江干要地豈容匪徒肆擾因循釀患勢必燎原撲救不
易且刀正綜已抵大猛養亦應飭令速回江干以專戡守合行札飭
為此仰該營查照札內事理趕緊會籌妥辦並將江干情形
及辦理緣由飛稟本署道立等會辦毋再延滯切速火速

思茅廳稟 二十八年七月二十二日到

敬稟者本月二十一日據猛翁六困猛腊各土弁緬稟譯漢內稱
敬稟者竊宣慰已於五月中由孟連接回至大猛養因聞刀準臣
等欲於半路阻截不敢遽來土弁等曾遣目練前往猛混猛版打
落等處連絡劄營並遣猛翁六困土舍帶練逕赴大猛養接護

宣慰已於六月底由大猛養接至打落接壤之猛麻又聞刀準
臣之練來猛混與各猛練在彼打仗宣慰意欲復回經土舍等
帶練保護自猛麻由三達地下猛籠繞道接回幸蒙恩宥
已於本月十二日抵江但刀準臣等現在猛海猛送等處劄營
不時窺伺土弁等是以具稟前來仰懇憲恩俯賜鈞裁等情
據此惟查該宣慰並未具稟前來除再行札飭該宣慰并該
土弁等協同宣慰多派練丁擒拿刀準臣等究辦仍一面遵照
憲台前次札飭辦理外理合將刀正綜抵江日期轉稟

本道黃 署鎮重會稟 兩院 二十八年七月二十八日

署府崔

敬稟者竊查車里宣慰土司刀正綜因前已革宣慰刀繩武之子
刀準臣糾結探黑欲來車里爭佔地土謀襲宣慰世職刀正綜

潛往順寧府屬之孟連宣撫土司處避匿據思茅廳營稟經

署鎮護道會移順寧府轉飭孟連土司派練將該宣慰刀正綜送至順

寧由內地轉送回普以重職守具稟 憲鑑在案 卑署府到任查

案會催並會督思茅廳營轉飭車里各版納土弁遣目往探刀

正綜曾否自孟連起程日久未得確信 署府查車里十三版納

內整董等五猛土弁隸寧洱縣屬距九龍江較近隨會飭寧洱縣瑞令轉飭

整董等土弁會同各猛土弁查報并行移思茅廳營催辦復稟蒙 憲台札飭迤

道順寧府嚴飭孟連土司將刀正綜迅即送回嗣聞該宣慰刀正

綜有由邊外行走回江被刀準臣阻截之說 署鎮護道派委右營外委

沈元奉額外陳元龍先後馳往確查 卑署府亦專札版納中能

事之猛翁土便委召麻哈牙六困土把總刀緝熙查稟核辦並發

給賞號衣料各物鼓其奮勉之氣茲據思茅同知吳開陽署思茅右

營遊擊呂飛鵬會稟並隸府轉據車里猛翁土便委召麻哈牙六困

土把總刀緝熙並各版納土弁等會稟稱該土弁等派練前往孟連

迎接刀正綜回至大猛養地方因刀準臣勾結探夷中途阻滯不能

前進復加派幹練於沿邊之猛混猛版打落等處聯絡屯劄教

勢接應並遣派猛拿六因能事土舍帶練馳赴大猛養將宣慰刀
正綜接至打落沿途保護由猛麻三達地下猛籠繞路行走茲於七
月十二日宣慰刀正綜回抵江干惟刀準臣糾聚匪黨尚在猛混猛送
等處窺伺各猛弁等已派練將各隘口嚴行防禦等情前來並據
署寧洱縣瑋岳轉據縣屬整董等土弁稟同前由尚未據該宣
慰將抵江日期稟報查該宣慰刀正綜此次潛往孟連雖由刀準臣
欲來車里滋擾該宣慰聞風遠避亦由該宣慰誤任奸目浮收派
累以致人心渙散適值刀準臣有來江滋擾之信遂附和傳言風聲鶴
唳該宣慰不能安坐江干今據思茅廳營查明助虐之奸目四人業

經各版納土弁等驅逐遠竄另選妥實頭目該版納土弁等遣派目
練前往孟連并加派土舍帶練馳抵大猛養節節保護繞道徐

行將該宣慰刀正綜迎接回江是該版納土弁等曉明大義敬事宜

慰深堪嘉尚護道現已會札優獎并賞給衣料各物飭令同心

合力扶助宣慰刀正綜固守邊疆撫愛夷衆至各版納每年應
交宣慰公費若干自有一定之數不容額外多派亦不許短少
指勒以資辦公江干應辦事宜由宣慰督同各猛弁等和衷秉
公籌辦不許頭目及該宣慰親屬人等撻越干預以嚴體制而
杜專擅該宣慰刀正綜應振刷精神洗心滌慮弔勉從公如丹

任用匪人肆意妄為定即提普究辦除會札各版納土弁及宣慰
刀正綜遵辦並將抵江日期具報及行思茅廳營督飭辦理將
江干善後事宜由該宣慰會同各猛弁等妥議章程以期經
久無弊稟由護道署鎮道核酌另行稟請 憲示飭遵至該宣慰
刀正綜遠赴孟連致曠戩守本應稟請

奏參究辦惟念該宣慰現已投回深知悔悟可否仰懇 恩施

從寬予以自新小心辦公圖贖前愆護道署鎮道督飭廳營隨時

查者倘該宣慰不知奮勉仍前萎靡不振即據實稟請

核辦斷不敢因循貽患刀準臣糾黨尚聚猛混等處亟應

嚴拿以靖邊圉除飭廳營督飭各猛弁嚴防隘口以杜竄擾并設
法緝拿報解外理合將宣慰刀正綜回抵江干籌辦善後情形肅
具稟聞

加夾單

謹附稟者宣慰刀正綜萎靡不振於所屬土弁撫馭失宜人心不
服該宣慰潛往孟連今各猛土弁等派練將其接回自應查者情
形另籌經久妥善之策以重邊防而安人心惟查該宣慰宗支內
別無合例應襲及素為夷眾悅服之人該宣慰刀正綜此次回歸
深知悔悟各土弁與該宣慰亦解釋前嫌人心安定護道署鎮道現督

飭思茅廳營轉飭妥議善後章程去其浮派禁其擾累以杜後
患仍當隨時查者倘有未協亦必另籌稟請 訓示辦理合附
稟聞

加單

再稟者正封稟間接據宣慰乃正綜稟報該宣慰已於七月十二
日帶印回抵江干等情前來除批飭遵照另札小心供職稟復
核辦外合附稟聞

思茅廳稟

二十八年十月初九日到

敬稟者竊

卑職

昨因六困地方被刀準臣糾匪滋擾業經會營稟

請派姚守備帶兵二百名前往猛板一帶遊巡比來匪勢猖狂六
困民人多為刀準臣匪黨搖惑且勾連川探各匪分投各路人數竟
有數千不特匪輩張揚而連日訊得獲犯供詞與差探如出一口
且有分駐小猛養下注江干之說以該地為江干要隘離宣慰道僅
兩站心懷叵測 卑職 雖於朔後專差總役會合營兵前往江干確
探一切今尚未回即刀緝熙先經兩次札調前又會札飛催亦尚
無回猛的耗且因彼從前辦事錯亂人心不附各處土練逃散者多

恐該弁回來亦難得力查此番衆匪六因脅從附和者固屬不少而川匪裸匪亦實繁有徒即如王定邦一犯今蠻蚌整柰兩地雖莫決其是否實在其中而該把總在附依之列所云格殺此事恐屬無憑昨今拏得匪練兩起確訊供詞俱稱被刀準臣練頭黑占科等前來糾約此時大勢兵出後能否即為解散總須俟姚守備紮營猛板接有來書甫見擘畫倘其弁兵到彼糾結依然似須續請應兵方可量為布置卑職以此時入手最關緊要倘虎頭蛇尾聽其梟張恐觀望既深此後難乎施措現聞大人旣旌晉省已定行期竊慮兵出無成而騶從業經東向持籌無

主則事當吃緊轉致拋鬆可否暫款輜軒略停命駕一俟此間得信飛即稟聞以數日內之情形實有關於全局得邀俯准俾得就近請示遵辦銘感實深至於大張告示穩衆民之心散匪徒之勢層層周至已至再三即催調刀緝熙檄文亦已三次一俟江干探役猛板軍情得有確音隨時續報專肅恭請福安諸盼示下遵行無任欽馳

再稟者前稟繕就適接姚守備派兵八名偕卑廳差役解到匪練三名並接來函云初六日行至長梁子據兵役拿獲前匪供稱猛旺寨現紮勇練五六百名等語旋抵猛板相度地勢低凹擇定離猛

板七八里之平堤河駐紮點放威鎗而猛旺匪練聞聲即放數炮該匪似無忌憚只得紮營向機辦理即於初七日差派目兵協差前往猛旺寨一帶偵探俟得確音再為致達等情卑職細測情形以整奈分出之餘匪猶敢如此胆玩炮應鎗殺竊恐驟難遽散且聞另股分駐小猛養據要隘以為窺伺則尤不可養成氣力等為虺之弗摧而此時人多勢眾難保其必無抗拒度勢揆情前兵慮難有濟思茅雖尚有存城數百名現為施護遊府逐日操演作續點之勢第郡垣環衛亦未可過於卑微若能得普郡派員再行帶兵二百前來則軍威較覺大壯該匪等聞風知畏必得早就肅清祇

達管窺統祈

鈞答

道復思茅廳信

敬復者弟位因石井益務緊迫奉 益憲諭催迅速赴省定

於初十日起程初九日亥刻接誦 瑤函以邊事吃緊承

囑暫緩就道所 示一切均已備悉 弟進省之行勢不可止亦

不能緩現值邊事緊要到省小住旬日益務粗有端倪亦即兼

程回普不致久延今於初十日起行矣來示云當與弟會商

鎮軍重九兄此時該匪等滋擾六困地方究竟是否實係刀準臣糾合之眾現獲匪練所供是否足信似應再行確查辦理六困本

有練丁今其民被脅從者衆難以調練其凡鄰封土弁之練均可
飭調防禦邊事以練為先官兵藉壯毅威該土弁頭目人等應
自行保護境土不能全仗官兵為其防守動輒請官兵道光十三
年邊務即係先練後兵今姚守戎帶兵二百弁前撥五十應似
可足資彈壓中右營存城兵數相等如果該匪等敢蔓入甲地
再續發右營之兵不敷守禦請調中營之兵事有層序不涉驚
惶至傳言匪黨直赴江干之語應飛飭宣慰及各土弁集練防堵
祈 四兄大人會營向機辦理為禱順請 升安

鎮道會札寧洱縣 二十八年十一月十六日

為札飭遵辦事道光二十八年十一月十三日據車里宣慰土司刀正
綜稟稱前因逃犯刀準臣糾匪滋擾六困之猛往整得整勒各地方該
宣慰飭令六困土弁刀緝熙集練固守本境并飛調各猛練役及點
派江練飭令土弁召承恩猛烏土弁召溫猛管帶會合進攻復派土
舍刀承綜猛翁土便委召麻哈牙帶練助壯毅威該匪等分股竄移
大毛舖困安猛送逼近江干該宣慰刀正綜親督江練由夏同前往
防禦十月十六日遇匪對敵匪黨勢衆將附近江干之蠻董蠻賣
蠻拱村寨焚掠該宣慰土署亦被損壞人民逃竄該宣慰現退住
離江七十里之橄欖坳招撫難民調練進攻查各猛土弁現俱各回猛

地並未在該宣慰處聽用六团土弁刀緝熙已於十月二十四日由慢坡
帕泥往小猛圖去訖該宣慰現飭猛腊土弁帶練二百名前赴小猛養
駐紮防守稟請飭令各猛土弁帶練速赴江干會同該宣慰商辦
攻擒逃犯刀準臣以靖邊圉並請札飭威遠廳營轉飭威屬土弁集
練防堵各隘口以防竄越等情到本署道據此本署府道公出赴省
不日旋轅除由本署鎮先行札飭威遠營轉飭威遠各土弁防
守隘口並由本署府移知威遠廳會營督辦外查車里十三版納
土弁均係宣慰屬轄有事自應共相保護該宣慰有失各土弁難
免疎防之咎今以各猛數千之練不能圍擒一烏合之刀準臣顯係
該土弁等意存懈怠並不認真出力迨至刀準臣竄擾江干
宣慰退往橄欖坝各土弁等應即同赴橄欖坝會合該宣慰商議如
何追擒刀準臣如何防守江干乃該土弁等計不出此各自散歸本猛置
宣慰於不顧試思宣慰為各猛土弁之上司今該土弁等不顧其司
而宣慰之上司又豈肯置之不究轉以顧持該土弁等之理分有尊
卑理無二致該土弁等保護宣慰即能保全本境茲據該宣慰稟
呈前來合行札飭為此札仰該縣遵照即便飛飭所屬普藤整
董猛烏烏得猛旺五土弁將本猛派撥舍目帶練嚴密防範勿稍
疎忽該土弁等帶練馳赴江干會合宣慰刀正綜籌商保護江干

攻挫刀準臣以靖邊圉仍飭將遵辦緣由稟縣轉報查核切速

鎮道稟 兩院 二十八年十二月初一日 楊松亭名青鶴

敬稟者竊 本賊 叩辭 鈞顏於十一月二十二日抵普洱接印任

事除已另行通報外伏查思茅廳屬車里宣慰土司地方逃犯

刀準臣糾匪滋擾先經重署鎮會同迤南道普洱府派委守

備姚雲管帶右營弁兵二百五十名前往六困土弁地方遊巡又派把

總張炳文外委仲士超管帶中營兵丁五十名又外委田忠管帶

中營兵丁五十名分往寧洱縣屬之普藤整董遊巡彈壓重署鎮

先後具稟 本賊 憲鑑在案 查逃犯刀準臣由六困被擊敗退

復糾集探匪進擾小猛養該宣慰刀正綜及猛翁土弁台麻哈勇

急未準備退避檄攬堪催調猛練復圖進攻業經重署鎮會同署

普洱府崔守移行思茅廳營暨寧洱縣飛飭宣慰及各猛土弁

厚集勁練合力圍捕現在該逃犯刀準臣是否仍踞小猛養該宣

慰刀正綜退駐檄攬堪是否督同各猛弁集練合捕各猛民夷是

否安堵正在會商署普洱府崔守確查核辦間道 護道 於二十三

日由臨安紆道回普據署普洱府崔守面稱先經該府函致思茅

廳營并會同重署鎮選派兵役往查回署稟稱刀準臣並未在

小猛養現又竄匿曼統地方其匪黨約有七八百人宣慰刀正綜尚

任橄欖坝其小猛養並江干地方該宣慰派猛腊土弁帶練駐
守又各猛土弁有回歸本猛者有分往催調練丁者民心漸就
安寧等情並據思茅廳營稟同前由該廳營現又專派兵役飛
飭宣慰刀正綜及各猛土弁集練嚴防以免竄擾並向機設法
將刀準臣圍擒以除邊患本職護道伏思邊夷搆衅近連甲地派撥官
兵分駐要隘巡防彈壓藉壯毅威保護內地此次派委守備姚雲
帶兵遊巡該匪等聞風遠竄得以保安內地今派往普藤遊巡之
把總張炳文等帶兵回營亦稱兵威震懾民情安寧本職護道現會
同署普洱府崔守行移思茅廳營督飭宣慰及各猛弁等多

撥勁練將江干並各猛境及茶山

貢地嚴密防範設法圍擒刀準臣並曉諭民夷勿許輕聽浮言驚

疑遷移以固邊圉至遊巡弁兵一時未能遽撤自應查者情形仍

留防禦以昭慎重所有本職到任護道公旋會查邊情及會同普

洱府辦理緣由謹肅具稟伏乞

官保大人 俯賜鑑核
大人

單銜加單

謹附稟者護道於元江途次接據署普洱府崔守稟稱威遠營
分防猛任汛守備徐正奇緝獲匪犯王定邦陳得超二名解交

該府提訊王定邦承認附和刀準臣屬實其如何附和滋事情節堅未吐供該犯現患瘴病未得燉審陳得超供亦烟燉除將該二犯發縣收禁醫調候訊外等情據此護道到普查該犯王定邦病尚未痊當飭寧洱縣上緊調治速痊飭府審辦外合肅附稟伏乞 鈞鑑

督憲札 二十八年十二月初七日奉

為飛飭督辦事本月十三日據普洱重署鎮並崔署守來稟據思茅文武稟報十月十五六日據六困土弁刀緝熙等稟稱刀緝熙與土舍刀承綜土便委召麻哈身帶練三千於初十日行至蠻掌即遇

刀準臣匪黨對敵匪練退走十三日追至踩脚坑殺斃甚多十四日匪徒逃散直至整柰大寨十五日正議追捕適刀正綜據猛往土弁告急以刀準臣由探黑山帶練來擾飛調刀承綜召麻哈身赴江干及猛往等處堵捕留刀緝熙仍守整柰又據寧洱縣轉據普籐整董各土弁稟稱探聞刀準臣自六困敗後復糾匪至猛養滋擾刀正綜並召麻哈身急未準備退避橄欖坭駐紮猛地民夷驚惶請兵彈壓該鎮府復會派外委田忠帶兵五十名前往整董並飭令前次派往普籐之把總張炳文妥為遊巡安撫嚴飭土司刀正綜及各猛土弁厚集目練齊力攻捕等情各具稟前

來除稟徑批外查刀準臣糾匪滋擾前據該署鎮道稟報均
經批飭會督廳營嚴防邊界責令土司土弁集練追捕如各
該土司協力勦堵何難使刀準臣早就殲擒乃互相觀望準備
毫無迨彼入境滋擾始行集練堵禦若如刀緝熙等所稟刀準
臣未至猛養已於猛掌打敗何至猛養又被滋擾刀正綜竟避往橄欖
坵地方是前後所稟情形未必確實究竟刀準臣勾結匪黨實有若
干是否均係探黑小猛養果否已被佔踞抑又向何處竄逃應責成
該猛弁等探明確踪集練兜捕該土戡平日不能撫綏夷衆先事
防維一遇匪徒竄擾邊隅即以民夷驚惶請兵彈壓試問該土

弁等所司何事竟不能自固藩籬而輒為此瀆請乎須知內地
官兵祇應於邊界嚴行彈壓斷不宜遠涉夷地合行飛飭督辦為
此札仰該護道即會鎮督同府營廳縣嚴飭內地營汛約甲及派往
^上弁於沿邊內地實力稽查並盤詰造言奸宄稽查出入人民以靖腹
地仍飛飭車里土司及各土弁妥為撫綏夷衆厚集練丁分擇要隘
防堵確探匪踪圍捕務期淨絕根株以除外侮而安邊境倘該土司
弁目等不知自保世業協力勦堵甚至藉有寇兵橫加征派即將
不戢之土司等詳革究辦勿稍姑容該道等務當督屬確探情
形相機嚴飭辦理隨時稟報察奪毋稍支飾切切特札

思茅廳營稟

二十八年十二月十二日到

敬稟者竊卑職等查辦江干邊務前經會函置稟並撥弁兵遊
巡彈壓後茶山

貢地民商漸就安帖甲地亦各教安各情俱經次第稟陳在案總因
逃犯刀準臣糾結匪黨侵擾無休以致日聚日衆自宣慰刀正綜退
避橄欖垵後疊飭厚集猛練嚴飭各猛迅行集練會剿而各匪旋
於茅舖一帶住紮該處離城較遠官兵未便深入且倚易茶山攸關
貢典既暫住適中之牛滾塘紮營僅得遙作聲援稽查堵禦茲於十
二月初八日撥派往九龍江小猛養二處探聽兵丁封成差役施文秀

等分抵該處回稟探得猛拿土弁召麻哈牙於十一月二十日自小猛
養敗回猛地右臂帶傷二十一日宣慰刀正綜偕其弟承綜亦即避
入猛拿六困土弁乃緝熙於二十二日踵至共議攻守之策不特小猛
養被匪佔踞江干土署亦為刀準臣佔住現在小猛養紮有匪練營
盤十二座約計二千餘名先時匪練俱在茅舖一帶原有三四千人
既而猛拿等陸續逃回該匪分得一半過江迎接刀準臣到署該逃犯
亦帶同刀奏勛刀平寶及各頭目由猛遮一帶來江開亦帶有二三千
匪練一居江署即出示招安遠近聞聲歸附其間有梗拒者一聞匪練
將到無不觀望披靡竟至勢同破竹又該兵役向橄欖垵等處頭

人詢稱刀準臣到江後旋帶匪練一千人復令刀奏勛分帶匪練一
千四百名夾攻猛籠該處頭人當出納降業經聽受指揮又有怕
泥地方土人三撮毛聞該逃犯到江公備白銀二百並馬二匹檳榔二
扎賚江自投該逃犯受其馬與檳榔而還其銀當令供夫百名赴江服
役其檳榔現往投後亦令其預備供應示以二十九或三十日匪練必
到現住宿以圖進攻猛翁以上三處據稟衆口僉同其怕泥檳榔現該兵
役經過時詢訪尤確似已信而有徵至於招安一節除該匪日用漢緬字
樣示諭遍貼道途外昨據普藤土千總刀安邦稟稱接據匪目等連
名手書囑以早早投順方不負前此護衛刀繩武之心若再執迷現

在目練甚衆一至歷境玉石不分等語該土弁雖云豈肯從逆而詞語
頗屬模糊並稱練為所阻不能前進實有口是心非之慮雖仍示以大
義諭以集練保境並分往刀正綜處會攻該匪恐成無濟空言探得現
在各版納都已潛往順從所不從者僅猛翁六困名雖兩猛而六
困只剩其梵梵一身其有地有練者惟一台麻哈牙柰臂又受傷
更欲敵如火如荼之萬衆其勢甚危當兵差由小猛養楚回之時二
十九日已聞匪練安營砲聲因該地匪衆不便以往故不能留彼
守探而攻打猛翁之說業已無訛目前事勢已屬全非而該逃犯
之不受餽金假仁冒義是在買服人心即如安營亦明示止放一

一砲謂恐驚惶百姓種種皆有深心人指撥刀正綜前此行為實為怨府兩兩相形深恐衆心固結恢復為難刀正綜所以前投猛拿者蓋因目下大勢猛拿雖非善類而實不見容於刀準臣故不能不附刀正綜同謀攻守之策在猛拿於該宣慰似可免意外之虞特恐勢力不敵則後事誠不可問矣惟聞猛拿之練衆所惧怯或者背城借一猶有一綫挽回總須俟續探入回實撐腹盼窈幸倚易茶地得官兵駐定不惟匪不入擾而民亦苟安又令把總郭朝玉帶兵附近遊巡甲地居民商旅悉皆樂業安常閭閻不驚人心靜帖所可告紓 蓋系者此耳除俟探差續至即行肅

稟外先将江干被佔版納違心宣慰等併避猛拿大勢緊迫貢茶地面及各甲地幸保平安各緣由先肅寸稟

復思茅廳營

月之二十二日接誦 會函承 示兵差查探江干被刀準臣佔踞各猛違心該宣慰刀正綜仍退避橄欖坵情形深為懸系刀正綜少不更事昨自孟連回歸如遵奉札飭由內地行走經由普洱轉送回江布置妥協何至有今日之情形今遽行通稟必致大招 憲怒刀準臣固應剷除並其安置昭通之家屬亦難免治罪其各猛土弁附和投順均應一體拿辦茲暫緩稟出由 弟等先發會札曉

諭各版納土弁合力攻擒刀準臣並附和匪黨究報如何冥頑不靈自當另為籌辦俟繕就札示寄赴尊處轉發此時惟慎防甲地并隨時確查情形示知辦理昨奉督憲嚴札以各土弁等若有觀望不出力者即行詳革懲治亦應諭令凜遵邊情變幻萬狀惟冀大兄大人會商向機酌籌並望

示知先此復請 升安

鎮道府會札宣慰並札各版納 二十八年十二月十五日

為申明大義嚴拿逃犯以肅法紀而靖邊圉事案查前已章車里宣慰土司刀繩武之子刀準臣係罪犯餘孽經

督撫兩大憲

奏明遷徙昭通府地方安插之犯該犯並不在配安分守法胆敢潛逃赴車里邊地糾匪滋擾且狂言誘惑邀結人心寔屬胆大玩法節經札飭緝拿迄未就獲查該犯所糾匪徒烏合之衆如果各猛土弁等同心合力認真圍捕以各版納數千勁練不但擒一刀準臣並其附從之匪徒亦不難於就獲何至任其肆行竄擾總由各土弁等因循觀望或被其煽惑以該逃犯係舊宣慰之子將來可望承襲宣慰之職此等愚想明白人斷不墮其術中該土弁等輔助現在之宣慰刀正綜可以保全世職安居境土若附從逃竄之刀準臣即

係助惡匪党

國法難容一經本道鎮具稟

督撫大憲斥革拿辦不但地土功名均非

已有身家性命亦難保全道光十三年整董土弁召廷玉附和

刀绳武經前道鎮縣拿收寧洱縣監提至思茅審辦該土弁等應

以前事為鑑本署道不忍不教而誅用是申明大義剴切札飭為此

札仰所屬江內外大小各版納土弁便委及頭目等遵照務須明白

大體全心協力厚集勁練隨同宣慰刀正綜圍拿逃犯刀準臣務獲

解普本署道定即從重獎賞倘敢甘受蠱惑暗中附和一經查

出定即將該土弁等世戕詳革提拿赴普從重懲辦恐該土

弁等不能當此重罪也凜之慎之仍將遵辦緣由及現在防禦圍

拿情形由宣慰刀正綜稟由思茅廳營轉稟核奪切切特札

云前切切等因除札該宣慰所屬大小各版納土弁等認真圍捕逃犯刀

準臣務獲解普聽候獎賞外合亟札飭為此札仰該宣慰遵照即

督飭所屬各版納土弁等全心合力厚集勁練認真圍拿解究倘

該土弁中有胆敢陽奉陰違之人一經本署道查出定即詳革世

戕提轅從重懲辦不稍寬貸仍將督飭辦理並現在防捕情形據

寔稟由思茅廳營轉稟核奪毋違特札

鎮道府會札宣慰二十九年正月十一日

為飛札飭調事照得本道聞該宣慰現由猛翁來至寧洱縣

所屬猛烏土弁處自係欲來普城投見本道稟訴一切該宣

慰自應即速前來如再遲疑或被刀準臣追至猛烏地方該

宣慰進退無路自取禍敗合行端弁飛調為此札仰該宣慰

遵照札到即速隨同該弁來普面見本道不惟保全性命即世

職功名亦可保無虞如稍遲疑本道難為曲貸也火速飛速

思茅廳營稟

二十九年正月十七日到

敬稟者竊卑等因江干土署被匪佔踞宣慰避入猛翁即令猛翁

土弁隨同克復各情均於年前稟陳雷鑑茲於二十九年正月

初十日據六困土弁刀緝熙於去腊二十七日由猛伴地方奉宣慰

派令先赴廳城今正月初二日該宣慰已到猛烏着刀緝熙稟請

會發兵差往彼護衛刀正綜來思面詢該宣慰何以遽由猛翁啓行

之故該六困土弁稟稱上年十二月間宣慰同猛翁遵札商議集

練赴江進攻刀準臣正在調練尚未齊集不料刀準臣帶領匪

練於二十四日由小路直抵猛翁垵子邊猛翁土弁帶練迎敵勝

負未分而百姓均各驚避該宣慰刀正綜見人眾渙散恐難比扎

當携家屬並猛翁家口及原帶並新隨難民數百人直向猛伴

進發次日在途猛翁土弁已遣目將其家口帶回傳稟宣慰業

得勝仗惟匪練尚未退出該宣慰因家屬同行意欲來城稟請辦理恐途中阻滯令該土弁先求發兵撥役交護前行

卑職

等以該宣慰攜帶家屬巢覆無棲身城亦難久戀自應調

令來城面詢情形再行稟請核辦當即會派幹練兵差賚持會札由整董一路迎往猛烏而宣慰所帶難民內地實難安插即於札中明示令其沿路量地寄居另加專札嚴飭猛烏烏得整董土弁凡可安頓難民之處聽候宣慰分派並令選派幹練頭目多帶練丁沿途護送宣慰並其家屬各該土弁亦於交界處所迎候祇送勿許推諉俄延莫無疎忽並諄飭兵

差小心遵辦務即迎護刀正綜來城去後即於十二日戌刻探聞

憲台會派威遠營千總張天福帶兵督同縣役馳往猛烏查探

刀正綜解晉

卑職

等恐事出兩歧復又商派外委沈元奉帶同

兵丁差役於十三日辰刻持札星夜趨往猛烏烏得一帶切示該

宣慰迅隨普思各弁前詣普城聽候酌辦恐該宣慰意出遲回已諭飭該弁緩言開導以釋其疑猶幸甲地茶山安輯如常尚可稍慰 蓋懷至江上及猛奔實在情形容俟探得確音

再行續稟謹將猛奔受敵宣慰轉至猛烏先派兵差迎護復派外委帶領兵役會調宣慰赴普並甲地茶山安輯各緣

由先肅稟聞

鎮道府稟兩院 二十九年正月二十一日

敬稟者竊 本賊到任護道 回普後曾將查明車里邊事逃犯刀準臣

竄踞夏統地方宣慰刀正練住橄欖坵及會同 卑署府督飭廳營辦

理緣由具稟 憲鑑在案本賊 等查刀準臣糾黨竄擾所有界連

猛境之甲地官兵鎮壓防範該匪等慮被緝獲未敢輕至無虞驚

擾惟猛境及各邊隘地面官兵不能遠涉輕入惟恃各猛練丁合力

緝捕恐各猛土弁等意存觀望或因刀正練平日撫綏恩禮未周

或誤聽刀準臣妄言煽惑有心玩視並不認真出力致刀準臣得

以肆行無忌於邊防殊有關係當即恭錄 憲札以該土弁等

不能先事防維一遇匪徒竄擾輒即請兵彈壓不知內地官兵斷

無遠涉夷地為土司防禦猛境該土弁等各有練丁應自固藩籬

如果各猛土弁合力圍捕刀準臣早就殲擒何致任其紛竄滋擾

責成各該土弁等厚集勁練合力剿捕倘敢陽奉陰違定即查明

斥革提究分札車里大小各版納土弁及宣慰刀正練遵辦並行思

茅廳營督飭去後茲據思茅廳候丞護思茅右營施遊擊會稟並

牒府稱接據六困土把總刀緝熙稟報宣慰刀正練傳調各猛練丁未

齊刀準臣匪黨竄至刀正綜與猛翁土弁台麻哈等集練抵禦眾

寡不敵刃正綜退往猛烏等處欲會合各猛再圖進攻等情該廳營
現已派撥能事兵役馳往查探確情刀準臣現又竄匿何處刀正
綜是否退至猛烏各猛土弁曾否集練合捕另行稟報本職查
刀準臣分途竄擾該宣慰刀正綜退往無定除飭思茅廳營飛飭
各猛土弁集練圍捕並派委千總張天福幹役楊煥彩馳往交界
猛境查明該宣慰刀正綜現在何猛責成該猛土弁妥為保護如
相距普城不遠現幸路無梗塞即招致該宣慰就近來晉本職查
詢情形酌籌核辦如該宣慰心懷疑畏諄囑該千總等就近專
人前往明白開導正在飭辦間據思茅廳營稟稱該廳營亦經

派弁前往俟查明該宣慰現在何猛是否迅速來普聽候查詢妥
辦另行稟請核示外所有茶山甲地民夷一律安貼商賈照常
往來理合將查辦緣由肅稟伏乞
宮保大人 俯賜鑒核
加單

謹附稟者本職護道兩奉 鈞函知前稟已遞 慈照仰蒙

訓示精詳敬佩彌殷刀準臣一日不除恐勾結愈眾誠如
鈞諭實為邊防之患節經督飭廳營嚴飭各猛土弁集練圍
捕該宣慰刀正綜平日未得人心各猛弁等不無意存觀望致刀
準臣得以肆行竄擾該宣慰被擾退往各猛恐添他虞本職現

遣弁兵差役往查招致來音是否前來另容稟 聞至遊巡防
禦內地弁兵已飭認真巡防民情安貼前獲匪犯王定邦另容
訊供稟辦合肅附稟伏乞 宮保大人鑒核

呈開

金八寶珠一串 金咒語珠三串 金刀三把 腰刀一把 金鞦轡付
線縐褂子一件 被窩一付 銀盒一個 金碗一個 宣慰印一顆

木鈴記七顆

銅記一顆

牙圖書三個

存府庫

道札普洱府

二十九年二月初二日

為札發事據委弁千總張天福呈驗道字一千二百五號車里

宣慰司銅印一顆到道經本署道會同 普洱鎮台並該府驗
明合就札發為此札行該府遵照即將發來車里宣慰司銅印
一顆查收貯庫聽候本署道會同 普洱鎮台並該府稟辦仍
將收貯日期申復查核毋違特札

計發道字一千二百五號車里宣慰司銅印一顆

宣慰司銅印正綜稟 抄件

辭職車里宣慰司刀正綜跪稟 恩憲大老爺鈞座稟為秉

性柔弱辭職還業懇 恩查究事原乾隆四十年自牛肩山
猱匪作亂漢兵不識路徑伯父太和帶領征討有功 恩賜世

襲車里宣慰司歷有年所因嘉慶元年伯父辭世伯父之子
堂兄繩武弱幼父親太康代為輔理從中奸人調弄父親帶領
狍匪將堂兄繩武送至緬甸阿瓦於道光四年繩武之妻堂嫂
以冤訴明鎮道蒙詳文 上憲行文將堂兄繩武調回思城後因
與^{土賊}父親構衅稟經 上憲因堂兄繩武抗調不遵將嫂母子
遷移昭通至道光十七年^{土賊}年幼無知承襲世職至十八年父親
太康身故^{土賊}尚在朦朧後漸長成人方知父親有偏聽人言之處
又不識堂兄繩武走於何方^{土賊}欲稟 上憲接回嫂母子復其
舊職又被猛拿奸人攔住起心不良見^{土賊}孱弱欲謀世職招集數

千餘人將^{土賊}打走逃避孟連後任子澤臣得知人接^{土賊}回歸行至
水城又被奸人圍困橫殺數百餘人任子得逃脫性命後奸賊又帶領
人馬踐踏八猛禍勢彌天有刀平寶目覩心傷統率八猛教^{土賊}任
子帶領八猛征伐猛拿奸賊遠遁後叔侄始得相會不喪奸人之手
竊思車里地屬上關

國課下繫民生不急為稟明恐干致咎伏乞 仁恩作主查^{土賊}共祖親
支襲其世業俾奸賊不敢謀奪沾恩陰功萬代台閣千秋矣為此

具稟 恩憲^文大老爺台前施行
鎮道稟 兩院 二十九年二月二十二日

敬稟者竊查宣慰刀正綜由猛奔退往猛烏據思茅廳營稟

報護道我恐該宣慰勢窮奔竄投往外域當經會派千總張天

福馳往內地交界猛烏處招致來普查詢辦理具稟

憲鑑在案該千總張天福行抵交界猛境聞宣慰刀正綜先

已接回九龍江所有備細情節除另具節畧恭呈

鈞覽外伏乞 宮保大人 大人 俯賜鑑核示遵現在邊境安靜

或酌令卑署府親身赴省稟陳一切面聆 訓示謹肅具稟

附呈 節畧一紙

謹查車里宣慰司刀正綜人本庸懦不知自振先因聽信土舍

刀承綜及已故四大叭目之言欲借湊還緬甸欠賬名目分派

各版納夏姑銀兩苛累夷民心嗟怨迨猛奔土便委召麻哈

牙不肯出銀該宣慰即帶練往攻台麻哈牙亦集練對敵該

宣慰勢弱潰散不敢回江遂逃往伊妻父孟連宣撫司刀派森處

求援該宣慰既失人心所屬土弁已不聽其指揮迨經思茅廳

營稟呈普洱鎮道府轉稟 大憲札飭迤西道順寧府轉飭

孟連土司將該宣慰由內地護送回普擬俟其到時查詢明白

籌辦妥協飭令各版納迎護回江恪供戢守該宣慰並不

遵由內地來普徑走邊外夷地回江適值遷徙昭通府安插之

已革宣慰刀繩武之子刀準臣逃回夷地得聞此信即糾結外匪
並號召各版納土弁目練藉詞幫助伊叔刀正綜攻打猛翁為名
進逼九龍江等處該猛翁土便委召麻哈牙亦即挾令宣慰刀正
綜紛調多練迎敵以致各猛民夷紛紛逃散節經思茅廳營稟
呈鎮道府轉稟 大憲酌派普洱中右兩營弁兵在於內地交
界猛境遊巡彈壓而土境曠遠官兵不能深入惟札飭各版納
土弁集練防禦柰各土弁等因該宣慰刀正綜之派累肆虐
仇毒已深又念刀準臣為前宣慰之子今流離來歸復能不
念舊惡幫助伊叔刀正綜復仇而刀正綜莫辨真偽轉為
猛翁所挾制是以十三版納未免心存疑貳遂致人心不歸刀
正綜而歸刀準臣之實在原委也今刀準臣既已來駐江干風聞
繕寫字帖遍諭各猛以刀正綜係伊過房親叔被猛翁助肆虐政
今伊在江力求整頓如有敢以伊叔宣慰之名派累各猛騷擾夷
民者伊必代叔查究并招致前經逃散夷民回歸復業派練於各
隘口驅逐遊匪保護往來行商此又刀準臣假藉仁義而收羅人
心也惟該宣慰刀正綜前自孟連回江因被猛翁所惶惑相依數月權
勢潛移嗣猛翁又被刀準臣打敗刀承綜逃避元江州所屬猛烈
地方該宣慰中道徬徨莫知所措進恐受 各大憲之譴責退

又無顏可對所屬土弁民夷携眷避匿猛烏意在投奔外域經思
茅廳營查知稟呈鎮道府會派弁兵差役馳往內地交界猛烏地方
招致該宣慰來普查訊辦理實恐被台麻哈牙刀準臣兩人所害
適刀正綜先遣伊妻刀刀氏帶同孟連目練來普訴悉前情並
據聲稱刀正綜勢孤力窮愿辭宣慰之職當以其妻刀刀氏似可
代辦亦據結求俯念婦女無知未生子嗣不願代辦請由內地
暫歸孟連省親即以安身至宣慰刀正綜經整董普籐等土弁
現派目練保護往九龍江與刀準臣叔姪見面衆為和處所有
該宣慰印信號紙及要件恐帶赴江干遺失未便另派以目轉
呈等語隨據派出弁兵差役稟同前由將印信號紙並各件
呈繳前來當查該宣慰刀正綜既經會札往調自應親身赴普今
隨衆回江是否出其情愿或刀準臣串通各猛另有傷害別情
均未可定隨飭右營千總楊陞帶同兵差前往查探並札各猛土弁
迅即查明稟復去後茲據普籐土弁刀安邦等稟稱刀準臣遣練
迎接刀正綜到江率領頭目均照夷禮跪接尊以叔父名分歸咎猛弁
台麻哈牙不能秉公扶助致失人心今台麻哈牙已被驅逐逃走刀
準臣念在骨肉兩相和好並欲輔助刀正綜辦理宣慰之事遵奉
朝廷法度綏靖邊疆各猛人心亦俱懽悅等情並據右營千總楊陞

查稟宣慰刀正綜已於二月初七日到江刀準臣未敢輕慢乃兵丁所
目擊不敢諱飾由思茅廳營轉呈前來除批准刀刀氏暫回孟
連省親並沿途妥為護送前進外伏查該宣慰刀正綜人本懦弱
無能今又自思引退勢難再事姑容惟驟予叅革承襲急難
得人刀準臣係奉 部通緝有案理法兩所不容而能固結
人心又借詞撫助刀正綜為名現駐江干十三版納未敢另舉承
襲此外惟有刀正綜過房親侄三人遠在昭通賢否未能周知容
俟另為籌商稟辦現幸各猛流民陸續回歸猛境一律安靜民
夷樂業商賈絡繹據各土弁稟報地方倍前安靜遊巡弁兵正

在趕緊全撤歸伍合併陳明謹畧

雲南府秦復函 二十九年又四月十五日到

昨披 會翰壹是具聆敬誌

子載老前輩大人
都督大人
受生三兄大人 夙夜在公

起居薦祐允符肌頌承 示車里宣慰刀正綜與刀準臣叔

姪和好江干綏靖而刀正綜愿辭宣慰兼以無子例得繼子

承襲等因遵即代稟奉 大府面諭此事宜斟酌盡善繼

之者必須衆心悅服庶可永弭後患是要隨將 來稟封交

泰昌號分投度日內可奉 憲批矣至 受生三兄大人晉

省一節奉 憲諭示令自行酌奪可也等語合併復

聞弟如恒魚鹿幸賜雨應時民樂春耕差為守土者快事耳
肅此布復

再啓者前信早經繕就因未見 尊稟批下致待多時昨復

面請 憲裁蒙諭即由弟侍處奉佈不另批發矣此事總須酌看

情形熟籌全局其應通經達變之處即請 鴻裁設施

上憲亦不為遙制但勿致有後患是為至要耳祈

都督大人
老前輩

與 受生三兄 寄舫四兄和衷集議酌可而行再行見

諭為望

又啓

思茅廳營稟

二十九年又四月二十二日到

敬稟者竊卑職等昨因會撤駐倚弁兵曾於十九日專函稟達定

可先邀

電鑑茲於二十日專差來思接奉

賜翰並錄示

百齋觀察復函一切均已祇領當即密商查辦江干之事聞刀正

綜於四月十五日夜間帶得跟丁二人向猛籠地界而去次日准臣

知覺派練往追將至籠地業已追及因追人僅二十人上下而正

綜有籠地來迎之練約在四五十人寡不敵衆兼之一抵籠境

該處先已禁營喝禁追人不令到猛遂即楚回正綜之行傳言即

其川練導之出門離土署數里之遙即有練役四五十人帶黑

花馬一匹擁之以去前此何人通綫未得其原然此皆得自傳聞

事無實證并不知正綜到籠是否前往孟連抑竟與刀承綜及
召麻哈牙會合而刀承綜亦傳言由水城地方經猛拿土弁接
去道路傳聞不敢遽為率達茲承 垂問不得不先述所
聞卑職等亦因未悉根踪得信後置派丁役分頭往探並分
札普籐倚邦土弁速遞妥幹頭目抵江查探以江干距城較遠
比來又時被水阻一時未能即回即普倚兩土弁亦未探回稟
復頃奉 逐層 指詰 卑職 等誠恐兵差人等探事粗疎或有不
實不盡復商派外委楊鳳藻酌帶兵役星詣倚邦備細確探
緣倚地近接橄欖堤附連小猛養距江匪遠至彼查詢似可得實

即或難得其詳就近派差亦較便捷至於局更事變處置
即應隨時此時未審端倪孰善孰否萬難懸揣誠如

尊諭祇期慎之又慎而探信必應詳益求詳庶可冀獲萬全確
求一是現惟俟探事人回即行飛稟或有必須親奉 訓示之處
定即星言速駕趨詣 鈴轅斷不敢稍存輕率上負 殷諄猶幸
江上平安各猛亦俱靜謐近城甲地尤見農商樂業一律熙恬少
紆 蓋塵先肅稟復

道稟升任迤南道桑

閏四月二十四日

敬稟者仲春月杪會同 普洱鎮府將車里宣慰土司刀正綜回江

與伊姪刀準臣和睦并刀正綜懇請退襲緣由開摺稟呈
各憲並縷稟 鈞鑑茲於閏四月十五日接奉 諭函轉傳

憲示敬已聆悉先經 卑府風聞該宣慰刀正綜有由江干他徙之說當
即會同鎮府函致思茅廳營確查去後今據該廳營稟復前來亦
係傳聞未得實據未敢輒行上達除飭廳營再行確查核辦外茲
將廳營原稟錄呈 大人俯賜鑑核現在江干及各猛地方一律安

靜用紓

履注恭請

鈞安



